



00020

劔南詩彙目錄

卷第七十四

書道室壁

書志

雪夕

書枕屏

四首

二友 寄五郎兼示十五郎 鄰曲相過

東窗 曉寒 小雪 書感 家釀頗

勁戲作 食齋糝甚美蓋蜀人所謂東坡

羹也 雜興 四首 幽情 醉歌 霜冷

讀書雜言 東嶺 書戒 書空壁 雪

劔南詩彙

卷七十四

汲古閣

意 山房 晨起 兩雁 書文彙後

題唐執中書樓 歲晚 六首 雀啄粟 老

翁 寄子虞 雜詠 四首 曉起折梅 累


日濃雲作雪不成遂有春意 晚晴出行

近村閒詠景物 道室戲詠 書感 三首

臘月 雪作 卽事 或遣以兩大瓢因

寓物外興 歲未盡前數日偶題長句 五首

余得蘆竹拄杖于舍傍民家似蘆非蘆



堅勁輕滑色如栗玉入手錯然微有聲它
杖莫及作五字唐律記之 八十四吟二首

歲暮六首 書感 書適 · 學道 舟中

作 得蜀信 送蘇趙叟赴省試 新春

感事八首終篇因以自解 自歎 · 初春

二首 簡傅十八官 開歲愈貧戲詠 戊

辰立春日二首 早春出遊 春寒 園居

郊行 野望 晨起 午坐

劔南詩彙

卷七十四目

汲古閣

劔南詩彙目錄

卷十

東王人牛微然...

劔南詩藁卷第七十四

書道室壁

餘生天地一飛蓬學道年來似有功習氣掃除
空劫外精神凜雪隱書中種瓜谿父時時見賣
藥壺公處處同莫謂與人緣苦薄相隨拍手有
兒童

書志

蓬矢桑弧射四方豈知垂老臥江鄉讀書雖復

劔南詩藁

卷之七四

汲古閣

具隻眼貯酒其如無別腸疋馬揚鞭遊鄴杜扁
舟揆施上瀟湘自悲此志俱難豁且復狂歌破
夜長

雪夕

目視眈眈左耳聾吾衰略與管人同移燈自看
於燐影取酒時澆礪魄胸東郭稍能師順子北
山未敢笑愚公空村雪虐風饕夜袖手悠然政
策功

書枕屏

西域兜羅被南番篤耨香慣眠三丈日不識五
更霜

又文

心若冰將釋貌如兒未孩青城上官叟時入夢
中來闌干郵窗靠脚脚金門與菜園

又

甘菊縫爲枕疎梅画作屏改詩眠未穩聞雪醉
劔南詩彙

卷之七四

二

汲古閣

初醒

又

星斗闌干曉窗扉矐矐明金門與茅店一種是
雞聲

二友

剗儲名酒待梅開淨埽虛窗候月來老子幽居
得二友人間萬事信悠哉

寄五郎兼示十五郎

八十九十老可驚白髮森然憎鏡明身當遊岱
尚少駐書欲藏山殊未成大兒爲國戍絕塞季
子伴翁親短檠古人已矣不可作夜闌撫几歎
平生

鄰曲相過

鄰曲集山家相看一笑譁扶行足蹉踣半落齒
槎牙農圃乖生理風霜感歲華老來情話少更
盡此甌茶

劔南詩藁

卷之七四

及古四

東窗

臘近寒何薄秋衣著尚宜年光新雪見節物壺
燈知川日初沉後樓鐘欲動時東窗對兒子與
與細論詩

曉寒

落月銜山口濃霜倒菊叢青檀壓衾暝輒火滿
爐紅起晚書虧課愁多酒策功杜陵如替否誰
與問征鴻

小雪

簷飛數片雪瓶插一枝梅童子敲清磬先生入
定回

書感

夢裏逢無咎天涯哭季長吾生亦有幾且復釣
滄浪

家釀頗勁戲作

千古英雄骨作塵不如一醉却關身鼎來雖恨

劔南詩藁

卷之七四

汲古閣

王陵蕪熟味方知孟子醇試問浩歌遺世事何
如酣枕養天真竹林嵇阮雖名勝要是淵明最
可人

食薺糝甚美蓋蜀人所謂東坡羹也

薺糝芳甘妙絕倫啜來恍若在峨岷尊羹下豉
知難敵牛乳拌酥亦未珍異味頗思修淨俟祕
方常惜授厨人午窗自撫膨脝腹好住煙村莫
厭貧

鋤草春愈茂，養草秋亦衰。不如兩置之，榮悴渠
有時。

又

栖雞未旦鳴，粒食固宜報。林鳥何預人，噉噉欲
誰告。

又

碩泉墜池響，魚隊散無迹。空弦可落雁，此事蓋

劔南詩藁

卷之七四
五

汲古閣

自贊

又

滌硯欲其潔，磨鏡欲其明。願君試息之，與已孰
重輕。

幽情

免歸又破六年閑，每寄幽情煙水間。清鏡不藏
新白髮，芳樽猶惜舊朱顏。一編蠹簡心空在，百
瓮寒螿債未還。莫爲岷峨勞夢想，故鄉隨分有

名山

醉歌

不癡不聾不作翁平生與世馬牛風無材無德
癡頑老爾來對客惟稱好相風使帆第一籌隨
風倒拖更何憂亦不求作佛亦不願封侯亦不
須脫裘去換酒亦不須賣劍來買牛甲第從渠
饜梁肉貂蟬本自出兜鍪變理陰陽豈不好纔
得閑管晴雨如鶉鳩辛苦築壘拂雲祠不如吟
劔南詩橐

卷之七四
六

汲古閣

卽休
獻風月登高樓爾作楚舞吾齊謳身安意適死

霜冷

梅花消息動江邊漸見新春換故年莫道孤翁
心似鐵夜來霜冷透青氈

讀書雜言

書亦何用於世哉聖人之言如造化巍巍地闢
而天開淵源虞唐至周孔黃河萬里崑崙來天

不使諸儒爲戰國，又不使六藝爲亡秦灰。豁如盲瞽見皦日，快若聾聵聞春雷。挿空泰華起突兀，垂天雲漢森昭回。奈何後世獨不省，顧捨夷路趨邛邲。不知開眼蹈覆轍，乃欲歸罪車輪。擗福有基禍有胎，一朝產禍吁可哀。

東嶺

雲罇漏斜日，駕言東嶺行。鴉翻半天黑，鷺起一

川明。小立照溝水，欲歸聞角聲。君看浮世事，何

劔南詩藁

卷之七四

汲古閣

處與棊枰

書戒

我幼事父師，熟聞忠厚言。治身接物間，要使如春溫。鞭朴不可弛，此語實少恩。但能交相愛，餘亦何足論。家貧賴奴婢，炊汲與磨門。餘力具茗藥，夕飯或至昏。有過尚當賞，況可使煩冤。出仕推此心，所樂在平反。寧坐輒弱廢，促駕歸丘園。吾老死無日，作詩遺子孫。

書三壁

煙水雲山千萬重，散人名號繼吾宗。
買雞養就冲霄鶴，拾子栽成偃蓋松。
父老年年同社酒，兒孫世世作春農。
晚窗睡覺添幽事，臥聽蘭亭古寺鐘。

雪意

風吼江郊雪意濃，雲如兩陣決雌雄。
山寒酒過平時量，窗黑書虧半日功。
閑話更端茶竈熟，清劔南詩橐卷之七四。
汲古閣八。
坐中詩分韻地，爐紅不須遠覓華胥路。
更埃天花落坐中。

山房

何處合題詩，山房病起時。
晨光鳥先覺，春信柳偏知。
陋學勤何益，虛名悔可追。
布衾新絮暝，惟與睡相宜。

晨起

勛業文章謝不能，生涯分付一枝藤。
身同湘浦

孤舟客心羨廬山下版僧倦枕厭聞窗外雨殘
膏猶在壁間燈草芝要及清晨服深媿蠻童爲

扣冰 草芝丹嶺山史
載之學士方

兩雁

兩雁東西來合羣以南翔鏡湖接天台海濶天
茫茫冥飛遠矰弋長路諳冰霜君看此氣象豈
復謀稻梁正爾下杜陵已復掠瀟湘超遙萬里
程燕雀安能量

劔南詩藁

卷之七四
九

汲古閣

書文豪後

上蔡牽黃犬丹徒作布衣苦言誰解聽臨禍始
知非

題唐執中書樓

吾州唐子他州無閉戶偏讀家藏書志氣頗聞
已山立神仙固自多樓居終日坐忘對燕几有
時出遊騎蹇驢人生如此自可爾勿羨新貴高
門閣

歲晚

雲暗郊原雪意稠
天公似欲富來麤
布衾歲久真如鐵
詎敢私懷一己憂

又

不學空門不學仙
端居胃次自超然
絳人甲子君休問
新歲吾兒本命年

又

戒殺家庖罷饋魚
病脾亦復禁寒蔬
莫慙鄰里

劔南詩藁

卷之七四

汲古閣

啣松淡出甌香粳玉不如

又

小岫嶙峋炷寶熏
卷書閑對一窗雲
雁聲忽向天邊過
起立中庭看斷羣

又

小塢梅開十二三
曲塘冰綻水如藍
兒童鬪采春盤料
蓼茁芹芽欲滿籃

又

久矣功名不上心亦無心要老山林鹿門采藥
悠然去千載龐公是賞音

雀啄粟

坡頂車敗雀啄粟桑下餉來烏攫肉樂時投隙
自謂才苟得未必爲汝福忍飢蓬蒿固亦難要
是少遠彈射辱老農輟耒爲汝悲豈信江湖有
鴻鵠

老翁

劔南詩藁

卷之七四
十一

汲古閣

老翁睡少知遙夜貧士衾單怯苦寒悶裏不嫌
村酒薄瘦來偏覺舊衣寬籬門遇健時能出書
卷乘閑亦取看深愧野人憐寂莫放鋤相喚共
朝餐

寄子虛

人生恨無年我老已爛熟退耕鏡湖上風雨有
茅屋事君闕補報得此不啻足餘年尚幾何嫻
嫻風中燭大兒戍塞垣馳馬佩矢箠去家千餘

里辛苦就微祿書來續三紙語悲不忍讀適弟
在我傍亦復淚溢目門戶嗟日衰持守賴家督
雪雲暗淮天念汝方露宿

雜詠

少日狂疎觸怒嗔每緣憂患喪吾真晚收咄咄
書空手却作騰騰任運人

又

得過一日且一日安知今吾非故吾喪手明窗

劔南詩藁

卷之七四
十一

汲古閣

讀周易不辜香餌一齋盂

又

松肪燎火滿爐紅罌粟煎湯到手空試問坐居
守丹竈何如醉臥聽松風

又

舊聞五岳多靈藥晚遇高人得祕文夢境此身
常是客幾時歸臥華山雲

曉起折梅

織女斜河漏已殘長唐配月夜將闌小橋幽徑
無人見折得梅花伴曉寒

累日濃雲作雪不成遂有春意

釀雪經旬竟不成一霜却作十分晴雲歸岫穴
千峰立暝入郊原萬耦耕芑葉離離豐歲候梅
花眷眷故人情道傍孤店新醅熟已有幽禽一
兩聲

晚晴出行近村閑詠景物

劔南詩藁

卷之七四
十二

汲古閣

雲吹盡木陰移正是先生曳杖時老特行將
新長犢空桑臥出寄生枝醫翁算過囊探藥筮
叟晨占手布著誰謂人間足憂患未妨古俗自
熙熙

道室戲詠

道身隱太華壯歲客青城采藥何辭遠燒丹久
未成傅生已醉死韓子得狂名猶有殘詩在

年遺後生

書感

人生百憂坐一官況與羣飛接羽翰兩具吳牛
給畊足三間茅屋著身寬煮蒿悽愴會不免簡
儉寂默差可安康莊坦坦不整駕可憐平地生

濤瀾

又

舞非得諧拍拍鎔行未知津步步危劫石消磨
會當盡太行突兀乃可移清晨瓦釜煮藜粥遙

劔南詩藁

卷之七十四

汲古閣

夜地爐燒豆其此中正自有佳處區區外慕寧
非癡

又

茅檐住穩勝華屋芋糝味甘如大烹靜觀萬事
付一默埽空白髮非黃精丈人祠西鶴傳信小
姑山前鼉報更興闌却揮短棹去曉渡清伊聽
玉笙

臘月

今冬少霜雪臘月厭重裘漸動園林興頓寬薪
炭憂山陂泉脉活村市柳枝柔春甦吾何患嘉
蔬日可求

雪作

今年冬暎異常時造物收功乃爾奇平野忽看
吹雪片清池俄復結冰澌飛蝗埽地無遺種瑞
麥連雲有兩岐想見市樓增酒價淡居袖手歎
吾衰

劔南詩藁

卷之七四
十五

汲古閣

卽事

雲本無心木不材平生得喪信悠哉釣魚每過
桐江宿賣藥新從剡縣回山圃萬蔓晨灌溉地
爐芋栗夜燔煨人情萬變吾何預笑口何妨處
處開

或遺以兩大瓢因寓物外興

榭葉爲衣草結廬生涯正付兩葫蘆名山歷徧
家何有塵念空來夢欲無野鶴巢雲元自瘦澗

松埋雪定非枯悠然但覓高樓醉何處人間無
酒徒

歲未盡前數日偶題長句

老向人間迹轉孤參差煙火出菰蒲數畦綠菜
寒猶茁一勺清泉手自斟穀賤窺籬無狗盜夜
長煖足有狸奴歲闌更喜人強健小草書成鬱
壘符

又

劔南詩藁

卷之七四
十六

汲古閣

短褐蕭蕭一幅巾明時乞與水雲身平生不售
屠龍技投老真爲種菜人釜粥芬香餉鄰父關
豬豐腴祭家神聯翩節物驚人眼儼鼓停槌又

見春

臘月八日以粥相饒北俗也
蜀人豢豬供祭謂之歲豬

又

旃欄小弁野人裝八十二年舊話長真笑形骸
無藉在本知生世不牢強茅檐啼鳥初相命煙
渚歸鴻漸著行想得城中盛冠蓋家家來往薦

椒觴

又

風號四野雲如墨，徂歲消磨不滿旬。瑞雪便應平地尺，野梅又報一年春。長河斷渡冰將合，古寺題詩手爲皴。僵臥閉門行路絕，安知今代獨無人。

又

漸近新年日愈長，不辭扶病舉椒觴。了無一事劔南詩藁

卷之十四
十七

汲古閣

于靈府只合終身住，醉鄉鬪飢春盤兒女喜。擣筵臘藥婢奴忙，蜀州白首猶癡絕。更爲梅花賦斷腸

余得蘆竹拄杖于舍傍民家似蘆非蘆堅勁輕滑色如栗玉入手鎔然微有聲它杖莫及作五字唐律記之

輕堅蘆竹杖入用自龜堂挺節冰霜後論交歲月長心空無寵辱時異有行藏老病登臨少何

妨日倚床

八十四吟

新歲八十四自宜形影孤
睡憑書檝相愁賴酒
枝梧兒問離騷字僧傳本草圖
孰言生計薄種
芋已成區

又

七十人稀到吾過
十四年交遊無輩行
懷抱有
曾玄飲敵騎鯨客行
追緜地仙城南春事動
小
劔南詩彙

卷之七十四

十八

汲古閣

蹇又翩翩

歲暮

書房偷得蝸廬樣
僅僅能容老病身
紙被蒙頭
方坐穩却愁轉眼又新春

又

淺色染成官柳絲
水沉熏透野梅枝
客來莫怪
逢迎嬾正伴曾孫竹馬嬉

又

挹泉石鼎煎崖蜜候火銅爐炷海沉一坐便應
論十劫不知歲月去駸駸

又

久衰豈是見人時健忘偏于養性宜噉飯著衣
常苦懶爲誰欲理一團絲

又

燕脂斑出古銅鼎彈子窩溪湖石山老去柴門
誰復過天教二友伴清閑

劔南詩藁

卷之七四
十九

汲古閣

又

少慕浮名百種癡老知世事盡兒嬉從今春困
不須賣睡到日高三丈時

書感

襁負客淮穎鬣髦逢亂離中原遂乖隔北望每
傷悲泛渭題新賦遊嵩續舊詩歿生雖異世此
意未應移

泛渭賦遊嵩詩
見白歐二集

書適

細讀養生主長歌歸去來山僧借水晶溪父送
琴材病退稀求藥身閑日探梅今宵喜無寐
下有書回

學道

學道知專氣尊生得養形精神生尺宅虛白集
中扃出岫孤雲靜凌霜老栢青晨興取澗水漱
齒讀黃庭

舟中作

劍南詩藁

卷之七四
二十

及古閣

東浦菰蒲合南莊桑柘繁

皆村落名

潮生無斷港寺

廢有頽垣糴米尋山步移舟泊水村野人多舊
識相對兩無言

得蜀信

齒髮凋零志氣衰強臨尊酒祗成悲少年半是
投閑日春事常當臥病時憂患頗疑書作祟功
名不似老如期青城舊友頻相約歸養金丹尚

未遲

送蘇趙叟赴省試

關路誰非觀國賓此君肝膽獨輪囷故家遺俗
欲墜地博士議郎方要人久矣扁舟弄江月往
哉駸馬踏京塵勅中墨色如鴉溼日待東歸一
笑新

新春感事八首終篇因以自解

九陌風和不起塵平湖冰解欲生鱗往來朝暮
紛如蟻得見新春有幾人

劔南詩藁

卷之十四
二十一

汲古閣

又

興來遊衍不辭遙吹帽風輕過画橋猩血未看
開露葢翹塵先已上煙條

又

一年最好早春天風日初和未脫髯坎坎圓鼉
賽神社翻翻小繖下湖船

又

憶到夔門正月初竹枝歌舞擁肩輿當時光景

應如昨綠鬢治中八十餘

養序

又

錦城舊事不堪論回首繁華欲斷魂
繡轂金羈三十里至今猶夢小東門

又

玻瓈江上柳如絲行樂家家要及時
只怪今朝空巷出使君人日宴蕃頤

眉州

又

劍南詩藁

卷之七四

二十二

汲古閣

梁州陌上女成羣銅綠春衫罽畫裙
相與遊家園裏去鞦韆高挂欲侵雲

興元

又

烏藤卽是碧油幢百萬天魔指顧降
酣枕不知霜縞瓦下床已見日烘窗

自歎

長興袖手觀空寂飯罷寬腰習按摩
堪歎一生閑日月爲身時少爲人多

初春

春入陂湖已折冰
流年誰解繫長繩
土膏動後麥苗長
桑眼綻來蠶事興
稅足了無徵
欠吏飯香時有乞齋僧
開正父老頻占候
已決今年百稼登

又

漠漠春寒罷對碁
霏霏春雨却催詩
梅花一樹映疎竹
茅屋三間圍短籬
醉倒幸無官長罵
出劔南詩豪

卷之七四
二十一

汲古閣

遊自有老人期
年光滿眼吾何憾
又近吳蠶浴種時

簡傳十八官

漢孺

朋舊凋零盡
新交得雋人
文章諧律呂
議論足精神
甚欲邀聯騎
無如困負薪
蘭亭脩禊近
爲記永和春

開歲愈貧戲詠

謝事貧過筮仕
初歸裝僅有一柴車
筓衣盡典

仍耽酒困米無炊尚買書澗底飽觀苗鬱鬱夢
中聊喜蝶遽遽商山幾許功名事老子如今却
笑渠

戊辰立春日

昨夜風搖斗柄回典衣也復一傳盃故人久作
天涯別新句空從枕上來清鏡豈堪看鬢色小
園剗欲覓桃栽頽然却恨貪春睡不盡城頭畫
角哀

劔南詩藁

卷之七四
二十四

汲古閣

又

臥聽城門出土牛羅旛應笑雪蒙頭但須晨起
一卮酒聊洗人間千種愁處處樓臺多俠客家
家舩舫待春遊梅花未徧枝南北定爲餘寒得
小畱

早春出遊

地爐久厭撥寒灰一笑真成病眼開不恨城笳
催日落且欣巷柳報春回蹇驢破帽人人看南

陌東阡處處來聞道禹祠遊漸盛也謀隨例一
持盃

春寒

故歲無多雪新春乃爾寒柴車埽里社茅舍老
江干客熟沽醅啜孫癡索飯搏更憐菘芥長殊
勝仰園官

園居

欲出還中止微陰却快晴檻花栽盡活籠鳥教

劔南詩藁

卷之十四
二十五

汲古閣

初成身寄江湖久心知富貴輕還嬰吾所證手

自寫菴名

近名小室
曰還嬰

郊行

山色埽石黛江流漲翹塵春晴不終日老病動
經旬竹密有啼鳥村深多醉人東阡與南陌處
處寄閑身

野望

偶攜一小豎徙倚望南山船笛爲誰怨溪雲如

我閑洲長歸雁下天迴
莫鴉還安得一竿去終
年煙水間

晨起

日高霜漸釋睡起髮猶蓬
小圃經行外新蔬檢
校中水開聞躍鯉天遠看飛鴻
粥熟還歸舍吾
生亦未窮

午坐

茶盃凝細乳香岫起微雲
樹影窗間見禽聲屋
劔南詩藁

卷之七四
二十六

汲古閣

角聞流年易拋擲舊學失鋤耘
師友今零落何
人爲運斤

劔南詩彙目錄

卷第七十五

自警 春雨 春寒 自喜二首 簡湖中

隱者 短歌示諸稚 王子猷謂竹爲此

君白樂天謂酒爲此君子野處無客每對

竹獨酌得小詩 會稽行 野飲 作野

飲詩後一日復作此篇反之 春晴二首

遣興二首 開歲屢作雨不成正月二十六

劔南詩彙

卷七五目

汲古閣

日夜乃得雨明日行家圃有賦 書屋壁

二首 與兒孫同舟泛湖至西山旁憩酒家

遂遊任氏茅菴而歸 日暮自大滙村歸

八十四吟 晚步至湖上 春陰 題

野店壁 題寺壁 題幽居壁二首 思叢

州二首 梅開絕晚有感二首 園中晚飯示

兒子 自詰 野飲 茆亭 身世 家

有兩瓢分貯酒藥出則使一童負之戲賦

五字句 禹寺 旅遊二首 貧歎 東窗

四首 近村 石帆山下作 旦起二首 書

況 閒中戲賦村落景物二首 予好把酒

常以小戶為苦戲述 春日對花有感

出遊遇雨而返二首 記閒之二感 題柴

言山水四首 草亭獨坐 修居室賦詩自

警 遜迹 春晴登小臺 魯墟舟中作

貧病戲書二首 又作二首自解 挾書

劔南詩藁 卷七 五目 二 汲古閣

一卷至湖上戲作 謝客相過 書幸

書歎 古興二首各五韻 病中有述二

首各五韻 黃鴉吟 恩封渭南伯唐詩

人趙嘏為渭南尉當時為之趙渭南後來

將以予為陸渭南乎戲作長句 幽居

肩輿至湖桑埭 半俸自戊辰二月置不

復言作絕句二首 頭風戲作 茆魚 畊

桑 春遊四首 蔬飯 海棠歌 園中作

書意
前
晚春
前

劍南詩彙

卷七
五目

汲古閣



詩彙目錄
卷七
五終

劔南詩彙卷第七十五

自警

生世如夢境淹速無定時少壯不可恃況汝迫
耄期五官及百骸自揣日益衰客來能送迎要
是強支持百口皆新人所至無舊知紹興同朝
者掃地靡復遺雖云窮耐久造物豈汝私餘日
真幾何得酒且伸眉

春雨

劔南詩彙

卷之七五

汲古閣

春陰不肯晴春雨斷人行慘澹柴荆色蕭條雞
犬聲香分豆子粥美啜芋魁羹猶勝梁州路蒙
羶夜下程

春寒

冉冉年華過上元梅花如雪照江村雲端翠竇
初收雨人怕清寒嬾出門香燼已殘爐未冷客
談方劇酒重溫尙嫌塵境妨幽致過埭船聲莫

正喧

湖桑棗去
弊廬里許

自喜

了了復惺惺著龜未是靈閑中有富貴壽外更
康寧身備鄉三老家傳子一經春回元不記出
戶四山青

又

身寄人間世心常古鏡如喚醒狂蝶夢掃盡老
狐書年出鄉閭右貧過仕宦初村村是桃李豈
獨愛吾廬

劔南詩藁

卷之七五

汲古閣

簡湖中隱者

夫子終年醉不醒若爲問我故丁寧書因遣僕
馱黃蘗詩許登山斲茯苓疇咎但知悲驥老卽
今誰不羨鴻冥清宵定許敲門否擬問黃庭兩
卷經

短歌示諸稚

流年去不還老狀來無那雖甚顏原貧尙勝夷
齊餓再歸又六年疲馬欣解馱姑幸筮轡空敢

復希豆莖好山嬾出遊敗屋得_一臥能儲粟
盜病亦有藥裹酒蟻溢_一蟠罌茗雪落小礪香火
失情偷編簡謹程課豈惟洗_一幻妄亦以起衰懦
向來名宦事回首如棄唾義理開諸孫閔閔待
其大賢愚未易知尚冀得_一个如其盡爲農亦
未可吊賀婦耕豈不佳努力求寡過

王子猷謂竹爲此君白樂天謂酒爲此君
余野處無客每對竹獨酌得小詩

劔南詩臺

卷之七五
三

汲古閣

新種疎篁對小軒旋沽薄酒實空尊門無車轍
亦何恨有此兩君堪與言

會稽行

我欲遊蓬壺安得身插羽我欲隱嵩華歎息非
吾土會稽多名山開跡自往古豈惟頌刻秦乃
有廟祀禹山形舞鸞鳳泉脉流_一漣乳家家富水
竹處處生蘭杜方舟泛曹娥健席拂天姥朱樓
入煙霄白塢臨雲雨脩梁看龍化遺箭遣鶴取

茶薜可作經楊梅亦著譜湖蕙山蕨輩一一難
遽數終年遊不厭冰玉生肺腑誦詩有樵童乞
字到俚嫗况復青青衿盛不減鄒魯古詩三千
篇安知闕吳楚土風聊補亡吾言豈夸詡

野飲

春雨行路難春寒客衣薄客衣薄尚可泥深畏
驢弱溪橋有孤店村酒亦可酌晁葩小甌炊丹
柿青篾絡人生憂患窟駭機日夜作野飲君勿

劔南詩藁

卷之七五
四

汲古閣

輕名宦無此樂

作野飲詩後一日復作此篇反之

世事如海沙巧曆不能數身居憂患中殆若墮
穿虎又如住敗屋岌岌日撐拄中夜風雨至摧
壓固其所孰能知其然徙義以爲主要于一念
間不敢欺仰俯兢兢曰三省寧可自莽鹵君看
管先師乃媿不若禹

春晴

雨斷雲歸兩作晴夕陽鼓角動高城客愁正得
酒排去草色直疑煙染成鸞爲風和初命友鷗
緣水長欲尋盟不須苦問春深淺陌上吹簫已
賣錫

又

常年春日少春晴拂面今朝暝吹輕水閣家家
橫小舫園亭處處聽新鸞桃花不管詩人老菖
葉空催野叟畊自笑此生餘幾許銅駝荆棘尙
劔南詩藁

卷之七五

汲古閣

關情

遣興

莫笑龜堂礪魄胸此中元可貯虛空尙饒靈運
先成佛那計辛毗不作公采藥偶逢丹井客買
蓑因過玉霄翁不須更問歸何許散髮飄然萬
里風

又

我是仙蓬舊主人一生常得自由身退歸自合

稱山長變化猶應待帝晨得酒不妨開口笑學
人難作捧心顰塵中且復隨緣住又見湖邊草
木新

開歲屢作雨不成正月二十六日夜乃得
雨明日行家圃有賦

東風催雨破天慳行圃歸來剝解顏百草吹香
蝴蝶鬧一溪漲綠鷺鷥閑老來每歎論心少貧
甚方知覓醉難猶賴籃輿無恙在呼兒結束入

劔南詩藁

卷之七五
六

汲古閣

南山

書屋壁

築室鏡湖濱于今四十春放生魚自樂施食鳥
常馴土潤觀鋤藥燈清論養真桃源處處有不
獨武陵人

又

鳥道經行穩巢居臥起寬鹿衣裁短褐龜屋製
危冠舊慕嵇中散今師靖長官蛟龍雲雨上未

必勝泥蟠

與兒孫同舟泛湖至西山旁憩酒家遂遊

任氏茅菴而歸

過埭維舟古柳根却扶拄杖入煙村印泥接迹
牛羊過投宿爭林鳥雀喧酒保殷勤邀淪茗道
翁僂僂出迎門郊居不與人間事惟有畊桑得
細論

日暮自大滙村歸

劔南詩藁

卷之七五

汲古閣

筍輿伊軋暮山昏水敗陂塘路僅存出谷鐘聲
知過寺隔林人語喜逢村廟堦荒寂新犁地堤
草淒迷舊燒痕兒子念翁霜露冷遙持炬火出
柴門

八十四吟

八十仍逾四遲畱未告行筮言災退散醫賀脉
和平畊牧猶能力癡頑每自驚所嗟經學廢心

媿濟南生

晚步至湖上

柴車無與駕蓬艇亦須人賴有拄杖子能扶羸
病身雲山翠屏合煙月玉鈎新蕭散湖塘路微
風吹葛巾

春陰

窗昏不見字今日罷觀書迹寄浮生內心遊曠
劫初太山均蟻垤聖域亦遽廬兀坐還成倦荒
畦去荷鋤

劔南詩橐

卷之七五
八

汲古閣

題野店壁

斷橐投衣橐殘壺挂馬鞍寺荒尋店久橋敗涉
溪寒道里逢人問題名拂壁看平生慣行役隨
處得加餐

題寺壁

菴居渾似罷參僧除却癡憨百不能意倦有時
憑曲几興來隨處曳枯藤雲山直去寧須伴蘚
磴高攀不計層聞道鼉鳴天欲雨松門小住看

雲興

題幽居壁

青山四抱路盤紆，天與先生卜草廬。
雲冷數聲聞斷雁，溪清百尺見遊魚。
新醪薄薄閑尋醉，殘髮蕭蕭悶憶梳。
莫謂躬耕便無事，百年京洛尚丘墟。

又

聲利場中偶解圍，悠然高枕謝招揮。
山前曳杖劔南詩藁

卷之七五
九

汲古閣

尋僧去林下，收碁送客歸。
城市氛埃那許到，比鄰煙火自相依。
纓冠束帶前身事，散髮今惟勃落衣。

思叢州

老來百念盡消磨，無奈雲安入夢何。
壯憶公孫劔器舞，愁思賓客竹枝歌。

又

武侯八陣孫吳法，工部十詩韶護音。
遺蹟故祠

春草合略無人解兩公心

梅開絕晚有感

年年踏雪探梅開二月今年始見梅從此逢春
心轉嬾小詩不擬覓花栽

又

尋梅不負雪中期醉倒猶須插一枝莫諱衰遲
殺風景卷中今歲欠梅詩

園中晚飯示兒子

劔南詩藁

卷之七五
十

汲古閣

一飽何心慕萬鍾小園父子自相從蚍蜉布障
雨將作蛺蝶成團春已濃澗底束薪供晚爨街
頭糴米續晨春盤餐莫恨無兼味自繞荒畦摘
芥菘

自詰

修行力量淺觸事常寡悰端居本無事奈此百
憂攻今晨默自詰世豈不汝容漱濯臨清流獻
歌蔭長松緩步有夷途遠眺多奇峯野叟時相

尋村酒亦自醲于道忽少進一掃芥帶胸轅釜
本常情寧說飯後鐘

野飲

農事未興息一笑春薺可采魚可釣霏霏小雨
忽已晴堤上相攜踏殘照村場酒薄亦有力把
醖相娛不辭醺眼花耳熱言語多霍然已醒如
過燒人生百年會有盡世事萬變誰能料酒空
人散寂無聲爲君試作蘇門嘯

劔南詩豪

卷之七五
十一

汲古閣

入茆亭

讀罷楞伽四卷經其餘終日坐茆亭靜聽溪碓
舂雲母細斲松根采茯苓大道粗嘗聞海若高
情未至媿山靈寒泉新滌甘于乳晨起何妨挈
半瓶

身世

身世飄然似斷雲時人誤許與斯文旋償碑債
動千里強理詩情無一分子美舊悲殘酒炙幼

安今老白襦裙餘生自喜渾無事清夜銅爐炷
寶熏

家有兩瓢分貯酒藥出則使一童負之戲
賦五字句

長物消磨盡猶存兩大瓢藥能扶困憊酒可沃
枯焦童負來山店人看度野橋画工殊好事傳
寫入生綃

禹寺

劔南詩豪

卷之七五
十一

汲古閣

禹寺荒殘鐘鼓在我來又見物華新紹興年上
曾題壁觀者多疑是古人

旅遊

壯志蹉跎雪滿頭久將餘日付滄洲閑雲不入
老人夢隣笛似知孤客愁小築聊須傍蘭渚片
帆那復到樟樓生涯草草真堪笑三十年來一
破裘

又

本自無心落市朝不妨隨處狎漁樵螺青點出
算山色石綠染成春浦潮縣驛下時人語鬧寺
樓倚處客魂消流年不貸君知否素扇團團又
可搖

貧歎

貧到今年極蕭然四壁家弊袍生蟣蝨粗飯雜
泥沙浩浩乾坤大茫茫歲月賒故鄉煙水窟別
擬个生涯

劔南詩藁

卷之七五
十一

汲古閣

東窗

九折危途寸步艱至今回首尙心寒元來自有
安身處茆屋三間似海寬

又

才薄常爲世俗輕還山力不給躬耕卽今贏得
都無事袖手東窗聽雨聲

又

俗事紛紛意不攄兀如頭垢念爬梳東窗且復

焚香坐閑看微雲自卷舒

又

寂寂東窗午夢殘更堪春雨作春寒
蠻童未報煎茶熟一卷南華枕上看

近村

家居每思出出亦無與遊江山豈不佳乃復生
我愁不如適近村家家業農疇深巷鳴雞犬長
坡下羊牛棗熟稻當穫桑落酒可篋寧無賓祭
劔南詩豪

卷之七五
十四

汲古閣

須林栗良易求醫翁曰過門得藥疾自瘳婚嫁
不出村百世加綢繆我來每絕歎恨不終歲畱
人生正應爾底事須王侯

石帆山下作

石帆山下古苔磯回首人間萬事非能飲上池
何患死不營尺宅欲安歸寒龜瑟縮搭床老倦
鶴翩遷帶箭飛堪笑年來殊省事就憑樊女綻

春衣

旦起

殘燈冷火待窗明，稍覺今朝病體輕。
已賴林鳩知宿雨，更煩簷鵲報新晴。

又

地爐晨起撥寒灰，困曉濛濛尚嬾開。
正倚蒲團覓殘夢，一聲啼鳥又驚回。

書況

自從請老鏡湖濱，萬事不關林下人。
鴉去鴉歸劔南詩藁

卷之七五
十五

汲古閣

還過日，花開花落又經春。
官微也過千重浪，身在依然一幅巾。
晨突有煙吾事了，濁醪不復惱比鄰。

閑中戲賦村落景物

遊宦才能薄，還山日月長。
買牛捐寶劔，取酒解金章。
泉脉疏供啜，松肪煉按方。
北窗貪兀傲，南陌喜彷徨。
僧過傳著法，醫來寄藥囊。
泛舟經姥廟，策蹇上倉塘。
嬾似嵇中散，癡如顧長康。
人間

須掃迹隨處是羊腸

姥廟倉塘皆湖上地名

又

覆篠初成屋編荆旋作門孤雲生釣瀨微雨過

幕軒柳種來傍縣

族子爲取柳本于餘姚茅氏

花栽乞近村

石欵聊可坐地褊不成園酒榼剗楓瘦香爐斷
竹根海鷗呼可下隴鳥教能言搏飯迎雙鶴聯
緇繫小猿山家雖寂莫隨事有盤飧

予好把酒常以小戶爲苦戲述

劔南詩藁

卷之七五十六

汲古閣

我共惡旨酒好飲而不能方其臨觴時直欲舉
斗升若有物制之合龠已不勝豈獨觀者笑心
亦甚自憎正如疾逆虜憤切常橫膺蹭蹬忽衰
老何由効先登上天無長梯繫日無長繩可歎
固非一壯志空飛騰

春日對花有感

天天枝頭花鬱鬱地上草方春萬物遂我乃獨
衰槁少時喜方藥晚亦學黃老又非愛名宦壯

歲迹已歸如何過八十尚復未聞道偃行阡陌
間齒搖而髮編名山可巢居決去恨不早宴坐
精息牀猶能養梨棗

出遊遇雨而返

柴門方出雨霏霏未到湖邊促駕歸深炷爐香
掩屏臥誰知不爲溼春衣

又

荒山前頭野水邊東行西行不自憐天公豈亦

劔南詩藁

卷之七五
十七

汲古閣

哀老子風雨畱教終日眠

記閑

白雲堆裏看青山猿鳥爲隣日往還黃綺後身
應我是再來依舊一生閑

二感

狸奴睡被中鼠橫若不聞殘我架上書禍乃及
斯文乾鵲下屋簷鳴噪不待晨但爲得食計何
曾問行人惰得暎而安飢得飽而馴汝計則善

矣我憂難具陳

題柴言山水

陰陰山水合幽處著柴荆喧中有靜意水車終

日鳴

春

又

懸水三十仞疾雷聞數里正暑凜生秋倚杖者

誰子

夏

又

劔南詩藁

卷之七五
十八

汲古閣

高秋風雨天幽居詩酒地君看此氣象其可折

簡致

秋

又

草亭臨峭絕霜嶂起嶙峋危磴儻可上老夫息

卜鄰

冬

草亭獨坐

埽地垂簾坐草亭東風吹頰醉初醒睡蛇死後

魔無力疾豎降來藥有靈在手殘梅香淡泊傍

檐幽鳥語丁寧老人不是神通妙世事元來要
飽經

修居室賦詩自警

荒園二三畝敗屋八九間初至如逆旅忽逾四
十年屋日已朽蠹我老不自還茅可刈之野木
可伐之山尙復不能具日夜憂其顛況我虛幻
身念念隨化遷齒墮髮亦縞鏡中失朱顏其危
甚不屋何恃能牢堅豐汝梨與棗養汝汞與鉛
劔南詩臺

卷之七五
十九

汲古閣

防疾如待敵愛氣如守關謀于履霜初懼在橫
流前書紳銘席端雖老尙可全

遜迹

遜迹荒村慣忍貧秋毫不使喪其真家居亦以
古爲鑑事過始知天勝人臨食致息方下箸讀
書有得每書紳放翁耄矣當知幸布褐藜羹畢
此身

春晴登小臺

不管筇枝破綠苔
閑穿萬竹上荒臺
幽花經雨自開落
啼鳥喜晴時去來
河岸家家裝彩舫
兒曹處處唱青梅
誰知老子癡頑甚
看改新元十一回

魯墟舟中作

春浦南來元不到
画橈偶復入鷗羣
人家遠火林間見
船底微波枕上聞
山口正銜初出月
渡頭未散欲歸雲
錦囊詩草新寥落
得句猶堪寄劔南詩橐

卷之七五
二十

汲古閣

一欣

貧病戲書

得米還憂無束薪
今年真欲甑生塵
椎奴跣婢皆辭去
始覺盧仝未苦貧

又

頭痛涔涔齒動搖
醫驕折簡不能招
亦知客疾無根柢
少健還能起負樵

又作二首自解

盡日溪邊艇子斜
治生不種邵平瓜
已分鄰舍紅蓮米
更啜僧房紫筍茶

又

靈府安平四體和
經時止酒頰常酡
老生要是常談爾
吐納餘閑卽按摩

卷之七五
二十一
汲古閣

買地孤村結草廬
蕭然身世落樵漁
一編在手君無怪
曾典蓬山四庫書

劔南詩藁

卷之七五
二十一

汲古閣

謝客相過

我力日愈衰
人事不敢倡
窮巷春多泥
何以稅客鞅
諸君顧何取
勤儉問亡恙
賦詩代尺書
跂望徒悵悵

書幸

土盜常餘菜
山庖不絕煙
罷醫翻少疾
無術自長年
小舫煙波宅
閑身陸地仙
東窗最佳處
日

對坐忘編

書歎

鬢髮承學紹興前歷看人間七十年撲滿終歸
棄道側鴟夷猶得載車邊釣船夜泛吳江月醉
眼秋看楚澤天造物未容書鬼錄殘春又藉落
花眠

古興二首各五韻

草衰何預人每起徂年悲日月纔幾何又見青
青時青青雖滿眼行矣當復衰盛衰還無端其
劔南詩豪

卷之七五
二十一

汲古閣

又

月出橫林上宿鳥無定枝物生各畏禍所託輒
蹈危老人倚壁坐大鼯驚羣兒雖云差自適見
事亦太遲猶有一可喜永謝世俗羈

病中有述二首各五韻

萬事有常理中智皆能知禍福如白黑不待諫
著龜疾患初萌芽未有旦夕危每能自省察百

鬼安能窺一息生百疾速死乃自詒

又

爲國恃久安變起最莫測釋楚爲外懼此實計
之得吾儕學養生事事當自克老無聲色娛戒
懼在飲食要須銘盤盂下箸如對敵

黃鴉吟

嗟哉黃鴉一何陋性喜隱翳藏荒園煙深翅重
飛不起鳴聲穀穀知雨候夜與妖鵬羣又似惡

劔南詩藁

卷之七五
二十二

汲古閣

白晝羽毛不足辱彈射滋味不足登俎豆捕之
旣無用鬻之又不售譬之人以支離而全木以
擁腫而壽若予者智不能知農圃學不能舉孝
秀名不譁世動得嘲詬是亦天下不材之尤尙
何議乎汝後

思封渭南伯唐詩人趙嘏爲渭南尉當時
謂之趙渭南後來將以予爲陸渭南乎戲

作長句

老向人間久倦遊君恩乞與渭川秋
虛名定作陳驚坐好句真慙趙倚樓
棧豆十年霑病馬煙波萬里著浮鷗
就封他日輕裘去應過三峰處
處雷

幽居

宿志在人外清心游物初
猶輕天上福那習世間書
薺菜挑供麩槐芽采作菹
朝晡兩摩腹未可笑幽居

劔南詩藁

卷之七五
二十四

汲古閣

肩輿至湖桑埭

籃輿隨意出衡門日已沉山野未昏
小市叢祠湖上路短垣高柳埭西村
麥苗極目無閑土塘水平堤失舊痕
明詔裕民間屢下老農何以報君恩

半俸自戊辰二月置不復言作絕句

力請還山又幾年何功月費水衡錢
君恩深厚猶慙懼敢向他人更乞憐

又

俸券新同廢紙收，迎賓僅有一絀裘。
日鋤幽圃君無笑，猶勝牆東學儂牛。

頭風戲作

出門處處皆桃李，我獨呻吟一室中。
只道有詩敲瘧鬼，誰知無檄愈頭風。

茅齋

茆齋雖絕小，老子策新勛。
磴落霏霏雪，爐生裊裊雲。

劔南詩藁

卷之七五
三十五

汲古閣

裊雲心將鷗共遠，巢與鶴中分。
幾許人間事，吾廬寂不聞。

畊桑

老病雖俱至，畊桑亦未遲。
兒童誇犢健，婦女閨蠶飢。
月落梟鳴夜，燈殘鼠齧時。
但當尋熟睡，萬事不須思。

春遊

方舟衝破湖波綠，聯騎蹋殘花徑紅。
七十年間

人換盡放翁依舊醉春風
予年十四始到禹祠
龍瑞今七十一年矣

又

熟食從來少天色東吳況是足春寒城南藉草
可痛飲安得酒腸如海寬

又

蘭亭路上換春衣梅市橋邊送夕暉聞有水仙
翁是否輕舟如葉槳如飛

又

劔南詩藁

卷之七五
二十六

汲古閣

沈家園裏花如錦半是當年識放翁也信弄人
終作土不堪幽夢大匆匆

蔬飯

春事已闌珊山村未褪寒筍生初入饌齋老尚
登槃僧飯時分鉢園蔬不仰官枯腸更禁攪姑
置密雲團

海棠歌

我初入蜀鬢未霜南充樊亭看海棠當時已謂

目未覩豈知更有碧雞坊碧雞海棠天下絕枝
枝似染猩猩血蜀姬豔粧肯讓人花前頓覺無
顏色扁舟東下八千里桃李眞成僕奴爾若使
海棠根可移揚州芍藥應羞死風雨春殘杜鵑
哭夜夜寒衾夢還蜀何從乞得不死方更看千
年未爲足

園中作

湖曲舊誅茆松陰近結巢安閑多熟睡衰退少

劔南詩藁

卷之七五
二十七

汲古閣

新交雨漬丁香結春生豆蔻梢良晨不把酒新
燕解相嘲

書意

整書拂几當閑嬉時取曾孫竹馬騎故故小勞
君會否戶樞流水卽吾師

又

人生祇要常無事忿欲紛紛喜見侵贈子祕傳
安樂法秋毫莫遣動吾心

又
籬角緋桃落漸稀
晚風吹去點苔磯
揮金豈必如疎傳
二畝春秧也是歸

晚春

世事紛紛不足論
流年去似海濤翻
莫因齒髮悲殘景
且喜柴荆是故園
千里桑麻無曠土
數家雞犬自成村
鄰翁過我誇秧信
雨後春泥一尺渾

劔南詩橐

卷之七五
二十八

汲古閣

又
莫笑花前醉墮巾
放翁又看一年春
尋巢燕熟頻穿戶
釀蜜蜂喧不避人
楚廟羔豚初散社
稽山筍蕨正嘗新
要知不負年光處
南陌東阡自在身

晚春

劔南詩橐卷第七十五

劔南詩彙目錄

卷第七十六

湖上示即事 東籬雜書四首 山行 稻

陂 雨夜息子虞 醉中示客 散髮

病中觀辛夷花 小艇 雜題四首 閒遊

病起初夏 衡門獨立 雨夜 山麓

北堂 禽言四首 道院偶述二首 初夏

書感 贈邢芻甫 管從戎南鄭日范西

劔南詩彙 卷七六目 汲古閣

叔爲予書小臥屏今三十有八年矣悵然

有懷 小雨 遣興二首 初夏喜事 夢

蜀 閒遊二首 初夏二首 野興二首 自笑

喜晴 過鄰曲 題蘇虞叟巖壑隱居

縱筆二首 北窗即事二首 感物 園中

把酒示鄰曲二首 書憂 門外獨立 感

事六言八首 幽居記今管事十首以詩書

從宿好林園無俗情爲韵 喜雨 初夏

雜興

首六

對酒作

獨坐閒詠

首二

水亭

首二

書興

書感

首二

暑雨

首二

池亭夏

畫

首二

頃歲從南鄭屢往來興鳳間暇日

追懷舊遊有賦

掃除小園未竟掃臥

暑中北窗晝臥有作

羈懷

自貽

首四

劔南詩彙

卷七
二

汲古閣

劔南詩彙目錄

卷七
六終

劔南詩彙卷第七十六

湖上

綸巾羽扇影翩翩湖上彷徨莫計年桃李已忘
疇管分禽魚猶結後來緣山前虛市初多筍江
外人家不禁煙莫恨幽情無與共一雙白鷺導
吾前東籬雜書

負山卽事

成敗歸青史悲驪付浩歌病從今歲減詩七去

劔南詩彙

卷之七十六

汲古閣

春多高枕觀浮世持盃養太和功名亦易爾難
負此漁蓑

東籬雜書

芳草初侵路青梅已破枝雨來鳩逐婦日出雉
求雌莽莽江湖遠悠悠歲月移老人觀物化隱
凡獨多時

又

桃李成塵土來禽始著花病夫猶枕上春事又

天涯巷陌鞦韆夢簾櫳燕子家野僧來問訊強
把半甌茶

又

老厭人間事閑知造物功草生三徑綠花發一
窗紅幽境囂塵外流年嘯傲中所嗟儕輩盡論
舊只春風

又

身與春俱老愁隨日漸長簾櫳聽語燕澗谷擷
劔南詩豪

卷之七六

汲古閣

幽芳酒榼常從後詩囊亦在傍閑行無定處隨
意據胡床

山行

山鳥啼孤戍煙蕪入廢亭隄成陂水白雨細稻
秧青草市少行旅鼓祠多乞靈最憐投宿處微
火葺晶熒

稻陂

白水滿稻陂投種未三宿新秧出水面已作纖

繼綠年來殘俸絕所望在一熟見之喜欲舞不
復憂半菽想當西成時載重壓車軸病齒幸已
牢往矣分社肉

雨夜思子虞

兀兀過遙夜悠悠擁破衾峭寒侵病骨殘雨滴
愁心人別易千里書來真萬金醉眠差似可誰
與伴孤斟

醉中示客

劔南詩藁

卷之七六
三

汲古閣

四座無譁聽我歌百年生計一煙蓑清尊漱漱
猶狂在白髮蕭蕭奈老何遠適安能縮地脉高
眠聊足養天和吾徒看盡人間事莫愛車前印
幾窠

散髮

散髮垂肩嬾更簪一窗竹水對蕭森從來恥作
資身策老去終懷報國心雷起鼻端秋枕石泉
鳴指下夜橫琴不緣羸病愁迎客經歲何人肯

見臨

病中觀辛夷花

餘生垂九十六病理一衰旬月不自保敢作期
歲期粲粲女郎花忽滿庭前枝繁華雖少減高
雅亦足奇持盃酌花前事亦未可知明年儻未
死一笑當解頤

小艇

放翁小艇輕如葉只載蓑衣不載家清曉長歌

劔南詩藁

卷之七六

汲古閣

何處去武陵溪上看桃花

雜題

賀公在朝雅吳語莊烏仕楚猶越吟我幸歸休
在閭巷燈前感慨不須深衣未可賦閒吟

意賦又

茆屋三間已太奢柴乾米白喜無涯非賢敢竊

優賢祿願折蓴絲與蕨芽

半俸自春初
不復敢請

良韻又

野花紅碧自爭春，村酒酸甜也醉人。
解放船頭便千里，不愁無處著閑身。

又

湖隄疎瘦水楊柳，村舍殷紅山石榴。
推戶本來隨意入，乞漿因得片時留。

閑遊

柴車去去度橫陂，正是春殘入夏時。
果熟多藏新密葉，鶯啼偏占最高枝。
迷途每就傭畊問，薄

劍南詩藁

卷之七十六

汲古閣

飯時從逆旅，炊隨意題詩。
無傑思還家，猶足詫吾兒。

病起初夏

頭風間作已全輕，山雨雖頻却快晴。
窗外時時度花片，林梢處處送鶯聲。
地偏無客談閑事，麥熟逢人樂太平。
不爲衰遲辜節物，一甌半駱薦朱櫻。

衡門獨立

春歸堪笑又恩恩
水白秧青細雨濛
溪鳥低飛
画橋外
路人相值綠陰中
宋清藥券貧來積
李賀詩囊病後空
惟有劇談能一洗
芳尊那得故人同

雨夜

吳中地多雨
海角客常愁
羸疾須醫藥
殘年憶輩流
解裝孤驛晚
振柁小江秋
莫起瀟湘興
無才賦遠遊

劔南詩橐

卷之七十六
六

汲古閣

山麓

草合路如線
偶隨樵子行
林間遇磐石
小憩看春畊

北壘

質衣葺北壘
欹壞略撐拄
窗扉則虛名
聊足度寒暑
獨學無與論
推覈實勞苦
審觀古人意
十亦得四五
無功與子光
相可豈待語
一床寬有餘
高臥聽簷雨

禽言

架犁架犁南村北村雨淒淒夜起飯牛雞未啼

日暮砧砧行千畦沒足勿恨一尺泥西成收薄

汝噬齧

架犁

又

拔筍拔筍入箐不辭風雨窘養成會見高拂雲

取供口腹初不忍獨持兩把慰倚門慈顏一笑

如春溫

拔筍

劔南詩藁

卷之七
七

汲古閣

又

老翁老尚健打麥持作飯終歲隴畝間勞苦孰

敢怨人生為農最可願得飽正如持左券確春

樵爨小甌香豈不勝汝耗太倉

打麥作飯

又

堂前捉績子力作忘朝餐鵝黃雪白相照耀插

茅作簇高如山蠶女採桑至煮繭何暇膏沐梳

髻鬟纒成蜀錦與楚縠舞姝纏頭不論束

堂前捉績

道院偶述

景德祥符草野臣登封曾望屬車塵已經成住
壤空劫猶是東西南北人

又

憶在青城煉大丹丹成垂欲上仙班飄零未忍
塵中老猶待時平隱華山

初夏書感

劔南詩藁

卷之七六

汲古閣

春與人俱老花隨夢已空遊蜂黏落蕊輕蝶接
飛蟲桑悴知蠶起牲肥賽麥豐為農當自力相
戒勿怱怱

贈邢芻甫

割愁何處有并刀傾座誰能奪錦袍堪笑陸翁
隣鬼錄尚推邢友擅人豪杜門雖少客載酒落
筆已能奴命騷安得相從北窗下丐君臍馥與

殘膏

管從戎南鄭日范西叔爲予書小队屏今
三十有八年矣悵然有懷

梁州風月今何在每憶朋儔淚濺裾戎幙已如
它世事素屏猶對故人書

小雨

川雲疊疊密如鱗山雨霏霏細似塵未必便爲
畊隴喜天公分付與詩人

遣懷

劔南詩橐

卷之七六
九

汲古閣

山澤荒寒外門庭寂莫中厭聞鳩喚雨常羨鵲
知風逆境嗟行徧閑愁幸埽空今晨有奇事簫
鼓賽年豐

又

風月資吟嘯漁樵約往還貧猶能釀酒病不廢
遊山亂石臥牛馬流泉鳴珮環豁除羈旅日猶
有半生閑

初夏喜事

箕穎元非爭奪場
瀟湘自古水雲鄉
采茶歌裏春光老
煮繭香中夏景長
斂版早知遊宦惡
署門晚悟世情常
茹芝却粒雖無術
散髮猶當効楚狂

夢蜀帶筆中茶竈來

自計前生定蜀人
錦官來往九經春
堆盤丙穴魚腴美
下箸峨眉桺脯珍
聯騎雋遊非復管
數編殘橐尙如新
景憐栩栩西窗夢
路入青衣不劔南詩橐

卷之七
十

汲古閣

問津

閑遊

一見溪山病眼開
青鞵處處蹋蒼苔
平生長物埽除盡
猶帶筆床茶竈來

又

好事湖邊賣酒家
杖頭錢盡慣曾賒
壚邊爛醉眠
經日開過紅薇一架花

初夏

床有蒲團坐負牆室無童子自燒香人圖作佛
雖堪笑我愛逃禪亦太狂櫻筍久忘晨入省尊
鱸猶喜老還鄉汗青未絕茶經筆那暇投文吊
戰場

又

梅子生仁已帶酸練花墮地尙微寒室無長物
惟空榻頭不加巾但小冠蠶簇倚牆絲盎起稻
秧經雨水陂寬郊原清潤身差健剩欲閑遊一

劔南詩藁

卷之七十六
十一

汲古閣

跨鞍

野興

東望城闔十里遙野人生計日蕭條棊枰棄置
機心息肉食蠲除業境消送藥時時過鄰父放
魚日日度溪橋自憐愛物還成癖門巷春來草
沒腰

又

涉澗穿林信意行翠崖朱棧愜幽情關關幽鳥

將雛語簌簌幽篁解籟聲藉草一壺消永日出
門幾屐了平生川雲正作遮山計浩蕩南風又
快晴

自笑

宦途咎似伏轅駒退處今如縱壑魚手自埽除
松菊徑身常枕藉老莊書郊居本自依農圃社
飲何妨逐里閭白髮蕭然還自笑風流猶見過

江初

劔南詩藁

卷之七六
十一

汲古閣

喜晴

正厭鳩呼雨俄聞鵲噪晴路開知潦退書展喜
窗明日透疎簾影風傳暮角聲兒童競相報門
有賣朱櫻

過鄰曲

黃雲卷盡綠針齊夏木陰陰滿古堤耆老往來
無負戴比鄰問道有提攜暑天漸近便餐酪吳
俗相傳尚鱸蝥共喜豐年多樂事扶耄先判醉

如泥

題蘇虞叟巖壑隱居

蘇子飄然古勝流平生高興在滄洲千巖萬壑
舊卜築一馬二僮時出遊香斷鐘殘僧閣晚鯨
吞鼉作海山秋極知處處多奇語肯草吳牋寄
我不

縱筆

騎鶴翩翩過月傍浩然風露九秋涼忽聞捲地
劔南詩豪

卷之七六
十三

汲古閣

潮聲起始覺江山近故鄉

又

百尺松根結茯苓千年長養似人形誰知金鼎
烹初熟恰值山翁醉欲醒

北窗卽事

衡茅隨力葺幽居埽地焚香樂有餘分食時能
下檐鵲作洲常悔誑池魚遊埽又失相尋客睡
起重開未了書袖手悠然便終日不辭世俗笑

迂疎

又

北窗寂與嬾相宜世上紛紛了不知露井甘寒
初浚後小山蔥蒨乍晴時粗餐豈復須鮭菜蓬
戶何曾設屣屣幸有床頭藤杖在登臨未遽歎
吾衰

感物

提壺勸客飲架犁課農畊鳩方喜婦還蟻又以
劔南詩藁

卷之七十六
十四

汲古閣

族行大化職雨暘我窗更晦明芸芸觀萬物一
笑了此生

園中把酒示鄰曲

畏途半世困風波老返家山得已多野餉雖無
食指動村醅也解醉顏酡夢殘正欲還君枕棊
罷那知爛客柯松菊未荒風月在應容老子且
婆娑

又

煮豆烹蔬當果穀固應孟酌盡陶匏池塘漱漱
荷浮葉門巷陰陰筍放梢三畝荒園存故業一
編蠹簡得深交弊廬經雨穿將徧欲向村東自
割茅

書憂

時人應怪我何求白盡從來未白頭
磅礪崑崙三萬里不知何地可蘓憂

門外獨立

劍南詩彙

卷之七六
十五

汲古閣

朝看出市募看婦數盡行人尚倚扉
要見先生無盡興少須高樹挂殘暉

感事六言

老去轉無飽計醉來暫豁憂
端雙鬢多年作雪寸心至死如丹

又

黑犢養來純白睡蛇死後安眠
但有漉籬可賣不妨到處隨緣

又

五尺童知大義三家市有公言但使一眠得熟
自餘萬事寧論

又

麥熟與人同喜虜驕爲國私憂身似五更春夢
家如一宿山郵

又

早歲已歸南陌暮年常在東籬短衣幸能掩脛
劔南詩藁

卷之七六
十一八

汲古閣

長劔何須挂頤

又

高岸眼看爲谷寸根手種成陰一卷楚騷細讀
數行晉帖閑臨

又

李白嶽崎歷落嵇康潦倒粗疎生世當行所樂
巢山喜遂吾初

又

有飯那思肉味安居敢厭茅茨未論顏淵陋巷
老農自是吾師

幽居記今管事十首以詩書從宿好林園
無俗情爲韻

總角入家塾學經至幽詩治道本畊桑此理在
不疑今茲垂九十謝事居海涯戴星理農業未
歎筋力衰四月築麥場五月漑稻陂秉火去螟
蝗磨刀剪棘茨西成大作社歌鼓樂聖時

劔南詩稟

卷之七六
十七

汲古閣

又

上世本爲農輟耕業詩書我少學不成固應返
其初冥冥不自揣鄉校參羣居中歲偶拔擢清
班久趨趨典奏入南宮細書長石渠及其乞身
歸舊業已丘墟衰疾或小間力尙給荷鋤寄聲
謝故人毋爲笑迂疎

又

我管揮短楫終年釣吳松亦嘗攜長鑱采藥玉

霄峰爲計晚大繆朝路偶見容晨趨大明班夜
聽長樂鐘白髮迫歸休居然鮮歡棕上恩許乞
骸一日收孤蹤蓬茅略補葺甑確勤炊春故交
零落盡歲晚當誰從

又

還鄉老未死舉目少耆宿邑屋亦或非所餘但
喬木曩時列鼎家今不飽半菽盛衰迭變遷何
者非陵谷羸然九十翁世故見已熟偶能達一

劔南詩稟

卷之七六
十八

汲古閣

理萬事等破竹布縫一稱衣藜煮半釜粥餘年
更何爲枕藉糟與麴

又

癸亥辭脩門拜賜散人號一出非本心歡喜歸
祭竈故鄉多名山幸得遂所好舟輿雖難具信
步亦可到清溪無塵滓奇峯有雲冒雨墊林宗
巾風落孟嘉帽豈惟狂故在望遠亦未耗一醉

儻可謀敢愛將軍告

又

入蜀過匡廬秋風宿東林月出斷山口滿窗松
竹陰裊裊一枝燭道人語夜深亦設麩果供慰
此羈旅心猶恨非遠公無酒遣我斟明日下山
去歎息難重尋回首四十年駒隙何駸駸舊遊
不可到悵望空長吟

又

管戎西睡時憑高望中原願欲棄天風往吊綺

劔南詩稟

卷之七六
十九

汲古閣

與園有志莫能遂悵望商山魂遙想山中人歲
時奠芳蓀夕陽簫鼓散高柳擁廟門老來更事
多考古見本根乃知當時事禍福未易言千載
信悠悠浩歎掩綠尊

又

客舟挂煙帆千里過楚都七澤渺無際大不數
具區浪翻出長蛟雲拆浮天吳峩峩來如山碎
船不須更江行幸已盡三峽尤畏途槎牙人鯨

瓮小失卽見屠叩頭禱鬼神已脫猶號呼願君
勤自勵憂患何時無

又

咎自京口歸卜居得剡曲地偏無市人民淳有
古俗陋屋僅結茆粗飯財脫粟典衣以沽酒九
月未能贖寧負翁子薪恥售卜和玉老身已如
此兒子亦碌碌藏書幸無恙自計不啻足拾穗
且浩歌行矣墮鬼錄

劔南詩藁

卷之七六
二十一

汲古閣

又

少小喜讀書終夜守短檠其實無甚解不幸誤
有聲勞苦亦何得空失東臯畊算年乃小黠告
歸學養生采藥作遠遊把釣適幽情高樓笛數
曲小軒棊一杯餘年置勿憂不卿何由烹

喜雨

入夏久不雨旱勢已岌岌蛙蛤徒自喧蛟龍臥
如蟄何由白水滿但守青秧泣上天忽悔禍川

雲起呼吸虛簷雨競瀉平野苗盡立兒停謁溝
車婦免憂谷汲人言雨非雨乃是傾玉粒移床
亦細事敢嘆屋漏溼

雜興
初夏雜興

老子今朝不用扶雨涼百病一時蘇扇題杜牧
故園賦屏對王維初雪圖把釣溪頭蹋湍瀨煎
茶林下置風爐箇中莫謂無同賞連客能從折

簡呼

劔南詩藁

卷之七六
二十一

汲古閣

又

巾脫冠欹八尺床竹陰槐影有餘涼隨風花墮
殘碁上引睡書拋倦枕傍水長沙鷗向人熟雨
餘巢燕哺雛忙尚嫌未愜幽情在又喚漁舟渡
野塘

又

自斷殘年莫問天吾儕何處不隨緣家貧却得
身差健夜短何妨晝熟眠未歷名山采靈藥且

從同社樂豐年賣絲糶麥償逋負猶有餘錢買
釣舩

又

繆算狂言悔莫追杜門省事不妨奇
欵傾淡墨詩成後縹緲烏巾浴出時
筇杖閑行穿密篠繩床移坐照清漪
眼邊好景真須惜漸近浮生結局時

又

劔南詩豪

卷之七六
二十二

汲古閣

趁雨東園去荷鋤婦菴却展讀殘書
幸能冒著雲夢澤何恨家無擔石儲
水泛時須借蓬艇山行亦或命中車
嬾心惟怕遊城市非向交親故作疎

又

終日頽然蠹簡中門前煙水浩無窮
百年等是一枯塚四海應無兩枚翁
栗玉長枝挑苦筍胭脂小把翦防風
地偏日永閑無事擬著珍蔬譜

一通

對酒作

飲酒豪如卷白波遣愁難似塞黃河多聞只解
爲身累後死空令見事多未試神仙餐玉法且
賸壯士入關歌此心不道無人識雪鬢蕭蕭奈
老何

獨坐閑詠

書生亦有功名願與世無緣每肯馳一寸丹心

劔南詩藁

卷之七六
二十二

汲古閣

空許國滿頭白髮却緣詩

又

深掩柴荆謝世紛南山時看起孤雲殘年所幸
身猶健閑事惟求耳不聞

水亭

水亭不受俗塵侵葛帳筠床弄素琴一片風光
誰画得紅蜻蜓點綠荷心

又

莫道山翁老病侵，靜中理得舊傳琴。朝來有喜君知否，雨展芭蕉二尺心。

書興

占得溪山十數椽，飽經世故氣猶全。入門明月真堪友，滿榻清風不用錢。便死也勝千百輩，少畱更過二三年。湖橋酒美能來醉，一棹何妨作水仙。

書感

劍南詩藁

卷之七六
二十四

汲古閣

翟公冷落客散去，蕭尹譴死人所憐。輸與桐君山下叟，一生散髮醉江天。

驅山不障東逝波，一尊莫惜醉顏酡。斜風細雨茗溪路，我是後身張志和。

暑雨

欲雨未雨雷車奔，欲睡不睡人思昏。蠻童正報

煮茶熟，忽有野僧來叩門。

又

草茂水長蛙羣鳴涯深路壞人斷行故侯老退
守瓜壟翠蔓黃花偏眼明

池亭夏晝

造物寧非念老生池亭幽事悉施行羣魚聚散
忽無迹孤蝶去來如有情小礎落茶紛雪片寒
泉得火作松聲曲肱假寐翛然寤不爲敲門夢
不成

劔南詩藁

卷之七六
二十五

汲古閣

又

茅舍蘆藩枕小灘蕭森那復畏炎官醉床酒解
香初過嬾架書橫夢未殘饑愛流匙菰米滑
便滿杓粟漿酸兒孫幸有團欒樂未覺浮生一
笑難

頃歲從南鄭屢往來興鳳間暇日追懷舊

遊有賦

管戍蠶叢北頻行鳳集南烽傳戎壘密驛遠客

程貪春盡花猶坼雲低雨半含種畬多菽粟藪
木雜松栝婦汲惟陶器民居半草菴風煙迷棧
閣雷霆起湫潭城郭秦風近村墟蜀語參快心
逢曠野刮目望浮嵐考古時興感無詩日每慙
嘉陵最堪憶迎馬柳毵毵

埽除小園未竟埽臥

竹葉埽仍落莎根鋤更生陰陽常代謝今昔各
施行勛業須時至衰榮忌力爭徑埽差省事高

劔南詩稟

卷之七六
二十六

汲古閣

枕聽蟬聲

暑中北窗晝臥有作

禦疾如治河但當導之東下流既有埽自然行
地中養生如莠木培植要得宜常使無天傷自
有干雲時我少本多疾屢亦頻危殆皇天實相
之警告意有在中年棄嗜慾晚歲節飲食中堅
却外慕魔盛有定力死生雖天命人事常相參
茫茫九衢中百禍起一貪郊虛暑雨餘巾墮脚

不襪高臥北窗涼超然寄疎豁

羈懷

羈懷不復耐悲歡清鏡朝朝雪鬢繁謝傅畏逢
親友別龐公息遺子孫安殘骸累歲歸民伍半
俸今春上縣官閉戶惟須學堅坐不知更敗幾
蒲團

自貽

寒暑衣一稱朝哺飯數匙錢能禍撲滿酒不負

劔南詩藁

卷之七
二十七

汲古閣

鴟夷

又

家風本韋布生事但漁樵慣就下鄉食莫煩東
閣招

又

癡孫護雀雛饑僕放池魚懷藥問鄰疾典衣收
舊書

又

退士憤驕虜閑人憂早年耄期身未病貧困氣
猶全



初南詩集

卷之七六

文古閣

